

Cumgea da la tor cotschna

35 premaudiziuns, passa 350 preschentaziuns, radond 7000 visitaders e siva seis onns è ella istoria: la tor cotschna senom igl Pass digl Gelgia. Venderde passo ò igl public per adegna piglia cumgea digl bietg temporar. Proximamaintg vign el demonto.

GION NUTEGN STGIER/FMR

L'istoria da success dalla tor cotschna tgi *Giovanni Netzer*, igl intendant digl Origen Festival Cultural, ò laschea construir sensom igl Pass digl Gelgia ò scumanzo igl 2017. Da lez taimp è chel project pero nia crititiga da plessas varts.

Dad onn tar onn ò la tor gudagnea adegna dople a popularitat ed ossa tg'ella svanescha è ena gronda part dallas persungas tg'eran stadas criticas anvers chel la tor digl aveis da lascher ella per pi dei.

Siva da venderde passo è igl bietg da teater istoria e tortga agl passo. Piglia cumgea dalla tor cotschna ò igl auditori cun galdeir igl concert final digl Ensemble Origen, el tg'ò plessas gedas canto las grondas vespras da Sergei Wassiljewitsch Rachmaninow.

Tranter igl auditori blers indigens

Tenor program era previa tgi igl public dastga piglier adia dalla tor cotschna cun esser preschaint ad egn digls tschintg concerts finals dallas vespras digl grond cumponisti russ. La dumonda per chels concerts è stada schi gronda tgi *Giovanni Netzer* è sa decida cun *Clau Scherrer*, igl dirigent digl Ensemble Origen e cun cantadours e cantadours per dus concerts supplementars. An pacas ouras èn er chels stos vandias or. *Giovanni Netzer* dei: «Ia va già grond plascheir da vaseir e da beneventar tranter igl auditori tar tots set concerts blers indigens, er indigens tg'eran anc mai stos ad ena preschentaziun digl Origen Festival Cultural».

Blers indigens vegian pi prubabel nizgia la caschung da neir segl Pass digl Gelgia ad ena producziun, avant tgi la tor cotschna svanescha scu gio dadei annuztgia. Plaschel seia er tgi tants indigens vegian fatg adiever dall'antrada gratuita



Anc è la tor cotschna betg demontada sensom igl Pass digl Gelgia. Proximamaintg vign scumanzo cun la demontascha digl bietg.

FOTOS GION NUTEGN STGIER/ADMILL KUYLER

cun aveir retschet l'antiera populaziun da Surses en bon per en'antrada libra ad ena preschentaziun dalla stad culturala 2023.

Emozion profonda e vivainta

Tgi igl Ensemble Origen totga an Svizra egnas miglas tschintg furmaziuns da cant è alloura danovamaintg sa

verifitga tigls davos set concerts ainten la tor cotschna. Las vespras cantadas digl chor èn en'ovra da bellezza, dantant ena cumposizioni fitg pretensiousa.

Alla fegn digl davos concert è igl public sa dulzo digls bances e cun en aplaus frenetic remunero la preschentaziun magnifica digl ensemble. Drizzo ò igl public igl aplaus betg angal a dirigent, cantadours e cantadours, mabagn er agl

adia dalla tor, ella tg'ò igls davos seis onns mess accents tigl Origen Festival Cultural.

Var 350 preschentaziuns e

35 premaudiziuns, passa 350 preschentaziuns e radond 7000 visitaders, chegl è la bilantscha tgi igl Origen Festival Cultural dastga far siva da seis onns dalla tor cotschna.

La viseta digls ministers da cultura dall'antiera Europa igl schaner da chest onn seja stada egn digls puncts culminants ainten l'istoria dalla tor, dei *Giovanni Netzer*. Els eran a Tavo tigi Forum mundial d'economia e vegian nizgia la caschung da neir segl Pass digl Gelgia per vurdar la tor cotschna ed assister ad en concert d'angal canzungs rumantschas.

An bung dus emdas succeda la demontascha digl elemaints da lenn e da las fanestras.

Alla fegn d'otgover è davent tot

Da preschaint vignan tots igls indrezs tecnicas, scu gleischs, installaziuns da musica e tribuna demontos. An bung dus emdas succeda la demontascha digl elemaints da lenn e da las fanestras. Chegl tgi seiia tecnica e glichs ins saptga duvrar er pi tard, las fanestras er schinavant tgi igl interess è avant mang, dantant igl elemaints da lenn berg, dei *Giovanni Netzer*.

Igl concert da Nadal chels vegian an mintga cass li, chegl pero an ena dimensioni pi intima e pi pitschna, dei *Giovanni Netzer*. Igl program d'anviern 2023/24 duess davantar en pi pitschen e la stad 2024 alloura anveida igl Origen Festival Cultural puspe a pi bleras producziuns. Prioritat vegia ossa propi igl project «ospizi», punctuescha *Giovanni Netzer*.



Igl 2017 ò cunsiglier federal Alain Berset (dretg) avert ufficialaintg la tor cotschna, (san.) *Giovanni Netzer* ed Andrea Hämmeler (da mez).




Siva igl davos concert ò igl auditori er già la pussebladad da contemplar igl model dalla nova tor tgi duess neir construeida ensacuras sensom igl Pass digl Gelgia.



Agl Ensemble Origen mantga cun la tor cotschna e li adatto per concertar, en li cun ena schi bunga acustica.



Clau Scherrer ena capacidat musicala scu pacas otras.



La tribuna è stada igl cor dalla tor cotschna.